

Գրիգոր Պատրիարք հասեալ 'ի բարեւոք ծերութիւն , հիւանդացեալ անկաւ 'ի մահիճս . թէպէտ և դարմանեաց զնա բժիշկ ժամանակին , այլ չեղեւ ինչ օգուտ , որ և վախճանեցաւ 'ի նոյն հիւանդութեան յամի Տեառն 1749 եւ թաղեցաւ 'ի վանս Ս . Փրկչի , վարեալ զիշխանութիւն Պատրիարքութեան Երուսաղէմի ընդ ամենայն ամս 32 , տարեալ բազմադիմի վշտաց և նեղութեանց , յորս իրբեւ հովիւ քաջ և ժիր մշակ անխոնջ վաստակեցաւ յամենայն գործս՝ ազատելով զՍ . Աթոռն յամենայն վերահաս վտանդաց , լցեալ զտուն Ս . Յակոբայ ամենայն հոգեւոր եւ մարմնաւոր բարութեամբ , թողեալ զինի իւր զանուն եւ զհամբաւ բարի , որոյ անունն օրհնութեամբ յիշատակի միշտ 'ի Ս . Աթոռս . զտապանաքար երջանիկ Հայրապետիս տուեալ էր յօրինել բարեյիշատակ Սեղբոս Ամիրայ բարեկամ նորին , հանդերձ գեղեցիկ ոտանաւոր վերտառութեամբ :

Յետ վախճանի Գրիգորի Պատրիարքի՝ հաճութեամբ ազգին ընտրեցաւ Պատրիարք Աթոռոյն Երուսաղէմի նոյն ինքն Յակոբ Եպիսկոպոս Նալեան Պատրիարքն Կոստանդինուպոլսի , հակառակ կտակի հանգուցելոյն , զոր ինք վաւերացուցեալ էր յազգային ժողովի անդ 'ի Պատրիարքութեան իւրում , զի զինի մահուան Գրիգորի , նստուցանել յԱթոռն զԹէսղորոս , որպէս գրեցաք . եւ նախ քան զամենեսին , նոյն ինքն Նալեան կնքեալ և ստորագրեալ էր 'ի հանրագրին , թէ « Ինձ Յակոբ Պատրիարքիս ընդունելի է » :

Սակայն առ 'ի բառնալոյ զհակառակութիւնս ազգայնոց սմանց , ստիպեցին զՅակոբ մեկնիլ 'ի Կոստանդինուպոլսէ , և նորա ելեալ անտի եկն յԵրուսաղէմ եւ նստաւ յԱթոռ Պատրիարքութեան , որոյ Պատրիարքական Պէրաթն 1174 (1749) կայ մնայ աստ : Սա եբեր ընդ իւր 'ի Ս . Աթոռն ստոյգ մեծ մասն 'ի նշխարաց Ս . Լուսաւորչին , զոր յանձնեալ էր նմա Յովհաննէս Պատրիարք Կողտ , և զմի փոքր մասն 'ի նմանէ ամփոփեաց 'ի գերեզմանի Ս . Մակարայ 'ի յիշատակ Աստուածասէր Եազուպ աղայի , կոչելով ըզտեզին Աեղուհ լեռն : Իսկ միւս մնացեալ մեծ մասն ամփոփեալ 'ի տուփ արծաթապատ , սահի 'ի Ս . Աթոռն :

Եւ զինի միոյ ամի էառ հրովարտակ յԱրքայէ վասն նո-